



KEMENTERIAN PENDIDIKAN MALAYSIA
BAHAGIAN PENGURUSAN SEKOLAH HARIAN
Aras 3 & 4, Blok E2, Kompleks E
Pusat Pentadbiran Kerajaan Persekutuan
62604 PUTRAJAYA
MALAYSIA

Tel : +603-8884 9000
Faks : +603-8884 9315
Laman Web : www.moe.gov.my

Ruj. Tuan : UPSI/PLMI/PPG/639 Jld. 6 (8)
Ruj. Kami : KPM.500-8/9/1 Jld.7(14)
Tarikh : 20 Oktober 2021

YBrs. Profesor Dr. Abdul Rahim Bin Hamdan
Pengarah,
Pusat Latihan Mengajar dan Industri,
Universiti Pendidikan Sultan Idris,
Aras Bawah, Blok 9,
Kampus Sultan Azlan Shah,
35900, Tanjong Malim,
Perak Darul Ridzuan.

YBrs. Prof. Dr.,

PERMOHONAN MENEMPATKAN GURU PELATIH UNIVERSITI PENDIDIKAN SULTAN IDRIS DI SEKOLAH-SEKOLAH DI BAWAH KEMENTERIAN PENDIDIKAN MALAYSIA UNTUK MENJALANI PROGRAM PERANTIS GURU/LATIHAN MENGAJAR/INTERNSHIP KAUNSELING UNTUK TAHUN 2022

Dengan segala hormatnya saya merujuk perkara di atas.

2. Sukacita dimaklumkan bahawa Kementerian Pendidikan Malaysia (KPM) **tiada halangan** kepada pelajar-pelajar Ijazah Sarjana Muda Pendidikan/Ijazah Sarjana Muda Universiti Pendidikan Sultan Idris (UPSI) untuk melaksanakan Program Perantis Guru (PPG)/Latihan Mengajar (LM)/ *Internship* Kaunseling (IK) di sekolah-sekolah KPM di seluruh negara bagi tahun 2022.

3. Kelulusan ini adalah tertakluk kepada **Surat Pekeliling Ikhtisas Bil. 5/2018: Garis Panduan Perwakilan Kuasa daripada Ketua Pendaftar Institusi Pendidikan dan Guru kepada Pendaftar bagi Kelulusan Permohonan oleh Pihak Luar Menjalankan Aktiviti Melibatkan Murid, Guru dan Institusi Pendidikan Kementerian Pendidikan Malaysia.**

...2/-

4. Sehubungan dengan itu, pihak universiti/institut pendidikan hendaklah menghubungi **Pengarah Pendidikan Negeri** yang terlibat untuk membincangkan kaedah terbaik pelaksanaan program ini. Pihak YBrS. Prof. Dr. juga perlu mengemukakan nama pelajar kepada Pendaftar Negeri (Pengarah Pendidikan Negeri) di mana pelajar akan mengikuti latihan mengajar tersebut untuk mendapatkan Permit Mengajar.

5. Pihak universiti/institut pendidikan perlu memastikan pelajar mendapatkan Permit Mengajar di Jabatan Pendidikan Negeri (JPN) berkenaan. **Kegagalan pelajar untuk mendapatkan Permit Mengajar daripada JPN sebelum menjalani latihan praktikum boleh menyebabkan pelajar tidak dapat menjalani latihan praktikum.**

6. Kelulusan ini adalah tertakluk kepada:

6.1 **Seksyen 103(1) dan 2(a), 2(b) dan 2(c), Larangan Mengajar, Akta Pendidikan 1996 (Akta 550);**

6.2 **Seksyen 114(1)(a) Pengeluaran Permit Mengajar, Akta Pendidikan 1996 (Akta 550); dan**

6.3 **Surat Pekeliling Ikhtisas Bil.7/1985: Latihan Mengajar Bagi Guru-Guru Pelatih Maktab Perguruan, Pusat/Fakulti Pendidikan Universiti.**

7. Ketua Pendaftar boleh, pada bila-bila masa dan menurut budi bicaranya, membatalkan sesuatu permit mengajar dengan memberi notis bertulis kepada pemegang permit itu.

8. Di samping itu, pihak YBrS. Prof. Dr. juga dikehendaki memastikan syarat-syarat berikut dipatuhi:

8.1 **Mendapat kebenaran daripada JPN/pengetua/guru besar sekolah-sekolah yang terlibat dan pihak JPN boleh meminda sekolah cadangan berdasarkan kesesuaian/keperluan;**

8.2 Pihak sekolah akan melantik guru/guru-guru pendamping dan mereka boleh pada bila-bila masa memantau guru-guru pelatih berkenaan;

8.3 Pihak universiti/institut pendidikan hendaklah menamakan pegawai akademik/pensyarah pembimbing yang akan bertanggungjawab kepada guru-guru pelatih berkenaan;

- 8.4 Pengarah Pendidikan Negeri boleh menggunakan budi bicaranya untuk menentukan jadual pengajaran/tugas pelatih berkenaan setelah berbincang dengan pegawai akademik/pensyarah pembimbing mereka;
 - 8.5 Guru-guru pelatih boleh diarahkan oleh pengetua/guru besar untuk terlibat sama dengan mana-mana program dan/atau aktiviti sekolah;
 - 8.6 Pihak universiti/institut pendidikan bertanggungjawab sepenuhnya terhadap kebajikan pelatih sepanjang menjalani latihan mengajar;
 - 8.7 Semua kos yang melibatkan peralatan semasa menjalani latihan mengajar hendaklah ditanggung sepenuhnya oleh pihak universiti/institut pendidikan;
 - 8.8 Pelatih yang sedang menjalani latihan mengajar adalah tertakluk kepada peraturan-peraturan sedia ada, etika profesion keguruan dan tindakan boleh diambil jika mereka melanggar mana-mana peraturan tersebut;
 - 8.9 Salinan laporan di akhir latihan mengajar hendaklah dikemukakan **dalam tempoh 30 hari** selepas pelaksanaan program dilaksanakan kepada Pendaftar tersebut;
 - 8.10 Sekiranya laporan program diterbitkan atau disiarkan dalam mana-mana platform media, bahan tersebut perlu mendapat persetujuan terlebih dahulu daripada pihak kementerian;
 - 8.11 Mematuhi arahan-arahan lain Ketua Pendaftar dari semasa ke semasa;
 - 8.12 **Hanya guru pelatih yang telah lengkap divaksin sahaja dibenarkan melaksanakan latihan mengajar di sekolah. Kegagalan guru pelatih mendapatkan vaksin lengkap pada tarikh melapor diri di sekolah akan menyebabkan surat kebenaran ini terbatal; dan**
 - 8.12 Guru-guru pelatih perlu mematuhi sepenuhnya *Standard Operating Procedure* (SOP) pengawalan penularan jangkitan *Coronavirus Disease 2019* (COVID-19) yang dikeluarkan oleh KPM, Majlis Keselamatan Negara dan Kementerian Kesihatan Malaysia.
9. KPM berhak menarik balik surat kelulusan/kebenaran ini sekiranya pihak YBrs. Prof. Dr. gagal mematuhi syarat dan peraturan yang ditetapkan atau bercanggah dengan dasar KPM yang sedang berkuat kuasa.

10. **Kelulusan ini [Permohonan Menempatkan Guru Pelatih Universiti Pendidikan Sultan Idris di Sekolah-Sekolah di bawah Kementerian Pendidikan Malaysia untuk Menjalani Program Perantis Guru /Latihan Mengajar/Internship Kaunseling untuk Tahun 2022] hanya untuk tujuan yang dimohon sahaja dan luput selepas tarikh 31 Disember 2022.** Sebarang pertanyaan berhubung perkara ini boleh diajukan kepada Encik Shah Rafi Bin Ihsham Shah di talian 03-8884 9354 atau e-mel rafi.ihsham@moe.gov.my.

Segala perhatian pihak YBrs. Prof. Dr. berhubung perkara ini amat dihargai dan didahului dengan ucapan terima kasih.

Sekian.

“WAWASAN KEMAKMURAN BERSAMA 2030”

“BERKHIDMAT UNTUK NEGARA”

Saya yang menjalankan amanah,

ZAINAL BIN ABAS

b.p. Timbalan Ketua Pengarah Pendidikan Malaysia
(Sektor Operasi Sekolah)
Kementerian Pendidikan Malaysia
/PP2/UPDP2/OKT/2021

- s.k.
1. Ketua Pengarah Pendidikan Malaysia
Kementerian Pendidikan Malaysia
 2. Pengarah
Bahagian Pengurusan Sekolah Harian
Kementerian Pendidikan Malaysia
 3. Pengarah Pendidikan
Semua Jabatan Pendidikan Negeri